

Silaannakut angallannermut aalajangersakkat

BL 1-23

Inuiaassuseq aamma meqqit nalunaaqutsersuutit il. il. pillugit silaannakut angallatinut aalajangersakkat

Saqqummersitaq 2, xx. maj 2025

Silaannakut agallanneq pillugu inatsimmi § 21, imm. 4 aamma 149, imm. 10, tak. inatsimmut nalunaarut nr. 118, 31. januar 2024-meersoq, kingullermik allannngortinneqartoq inatsisikkut nr. 1474, 10. december 2024-meersukkut, silaannakut angallanneq pillugu inatsisip Savalimmiunut atuutilersinneqarnissaa peqqussummi § 153, tak. peqqussummut nalunaarut nr. 141, 6. februar 2024-meersoq, aamma silaannakut angallanneq pillugu Kalaallit Nunaannut inatsimmi § 153, tak. inatsimmut nalunaarut nr. 76, 24. januar 2024-meersoq, malillugit Trafikstyrelsenip suliassai aamma piginnaatitaaneri, maalaaruteqarsinnaaneq aamma Trafikstyrelsenip maleruaqqusaata ilaanik saqqummiussineq pillugit nalunaarummi nr. 34, 15. januar 2025-meersumi § 6, imm. 1 naapertorlugu piginnaatitsineq, Trafikstyrelsenip suliassai aamma piginnaatitaaneri, maalaaruteqarsinnaaneq aamma Trafikstyrelsenip silaannakut angallannermut maleruaqqusaata ilaanik saqqummiussineq pillugit Savalimmiunut nalunaarummi nr. 1619, 8. december 2023-meersumi § 3, imm. 1, aamma Trafikstyrelsenip suliassai aamma piginnaatitaaneri, maalaaruteqarsinnaaneq aamma Trafikstyrelsenip silaannakut angallannermut maleruaqqusaata ilaanik saqqummiussineq pillugit Kalaallit Nunaannut nalunaarummi nr. 1126, 25. oktober 2024-meersumi § 3, imm. 1, malillugit aalajangersarneqarpoq:

1. Allakkat innersuussutit

- 1.1. BL 9-6, Timmisartut oqitsuaqqat pillugit aalajangersakkat, saqqummersitaq 5., 2. juni 2008-meersoq.
- 1.2. BL 9-12, gyroplan-it oqitsuaqqat pillugit aalajangersakkat, saqqummersitaq 1., 15. maj 1995-imeersoq.
- 1.3. ICAO Annex 7, Aircraft Nationality and Registration Marks, Sixth Edition (Saqqummersitat arferngat), July 2012-imeersoq.
- 1.4. Allagaatit, imm. 1.1. - 1.2.-mi taaneqartut, Retsinformation-ip nittartagaaniippat www.retsinfo.dk aamma Trafikstyrelsen-ip nittartagaani www.trafikstyrelsen.dk.
- 1.5. Allagaateq, imm. 1.3.-mi taaneqartoq, Trafikstyrelsen-ip e-mailianut info@trafikstyrelsen.dk-mut ssaaffiginnikkut pissarsiarineqarsinnaapput.

2. Atuuffii

- 2.1. Una BL silaannakkut angallatinut tamanut atuuppoq, danskit Nationalitetsregister-ianni nalunaarsorneqartussanut imaluunniit nalunaarsorsimasunut.
- 2.2. BL timmisartunut oqitsunnguanut aamma gyroplan-inut oqitsunnguanut atuuppoq suussutsimut normup ilusilersorneranut aamma inissinneqarneranut kiisalu suussutsimut plade pillugu piumasaqaammut tunngatillugu, tak. BL 9-6 aamma BL 9-12.
- 2.3. BL silaannakkut angallatinut inuttaqanngitsunut atuutinngilaq.

3. Nassuiaatit

1. *Balloni*. Silaannakkut angallat nukimmik inerlateqanngitsoq, silaannarmit oqinnerusoq.
2. *Ilanngussaq I-silaannakkut angallatit*. Silaannakkut angallat, inuinnarnut silaannakkut angallannermut malittarisassat ataatsimoorussat pillugit aamma Den Europæiske Unions Luftfartssikkerhedsagentur pilersinneqarnera pillugu peqqussummi (EU) nr. 2018/1139, 4. juli 2018-imeersumi artikeli 2, imm. 3 malillugu, peqqussummi ilaatinneqanngitsoq aammalu taamaalilluni nunami aalajangersaaffigineqartoq. Peqqussummut taaneqartumut inissiinnermut piumasaqaatit ilanngussaq I-mi allaqqapput, tassaasumi Ilanngussaq I-silaannakkut angallat.
3. *Gyroplani*. Silaannakkut angallat, silaannarmiit oqimaannerusoq, aamma kaavittup imaluunniit kaavittut arlallit, kaaviffinni napparissuni kaavittut, atorlugit silaannaap ingerlanerani timminermit iluaquteqartoq.
4. *Qulimiguulik*. Silaannakkut angallat, silaannarmiit oqimaannerusoq, aamma kaavittup imaluunniit kaavittut motoorimit kaavitinneqartut arlallit, kaaviffinni napparissuni kaavittut, annerusumik atorlugit silaannaap ingerlanerani timminermit iluaquteqartoq.
5. *Oqaluttuarisaanermut isumaa*. Silaannakkut angallat, sananeqarnera siullemq 1. januar 1955 sioqqullugu ilusilersugaasoq, aamma sanaartorneqarnera ulloq 1. januar 1975 sioqqullugu unitsinneqarsimasoq, imaluunniit silaannakkut angallatit erseqqissumik oqaluttuarisaanermut isumaqartut, oqaluttuarisaanermut tunngatillugu pisumut pingaarutilimmut peqataanermut attuumassuteqartut, silaannakkut angallannerup ineriartornerani alloriarnermut pingaarutilimmut, imaluunniit sakkutooqarnikkut pingaarutilimmik atuuffeqartut, tak. peqqussut nr. 2018/1139, ilanngussaq I, imm. 1, litra (a)(i) aamma (ii).
6. *Silaannakkut angallat*. Maskiinaq, silaannarmi silaannaap ingerlanerani ikorfartorneqarsinnaasoq, ilanngunnagu silaannaq nunarsuup qaavata tungaanut ingerlasoq.
7. *Silaannakkut angallat silaannarmit oqinneq*. Silaannakkut angallat, silaannaap nukiinik aerostatiskiusunik annerusumik silaannarmiitinneqartoq.
8. *Silaannakkut angallat silaannarmit oqimaanneq*. Silaannakkut angallat, timminerup nalaani annerusumik nukinnik aerodynamiskiusunik qangatinneqartoq.
9. *Luftskib*. Silaannakkut angallat nukimmik ingerlateqartoq, silaannarmit oqinnerusoq.
10. *Inuiaassusermut nalunaarsuiffik*. Silaannakkut angallatit allattorsimaffiat, Trafikstyrelsenimit ingerlanneqartoq.

11. *Nuna tamakkerlugu timmisinnaanermut akuersissut.* Danskit timminissamut akuersissutaa piujuartoq, luftdygtighedsbevis-imut assingusoq, aammalu taamaallaat danskit oqartussaaffigisaanni pisinnaatitsisoq.
12. *Isikkoq/qalipanneq original-eq assigineqanngitsoq.* Taanna qalipanneq, tassunga ilagitillugu qalipaataanna, allapalaakkat taakku, meqqi taanna, annertussuseq taanna, inissiineq taanna il. il. silaannakkut angallatip atugai oqaluattuarisaanikkut pisumi.

4. Inuiaassutsimut aamma nalunaarsuinermit meqqit

- 4.1. Silaannakkut angallatini inuiaassutsimut aamma nalunaarsuinermit meqqit naqinnerit angisuut eqimattat atorlugit allassimassapput.
- 4.2. Inuiaassutsimut meqqi, nalunaarsuinermit meqqip siuanut inissinneqartoq, naqinnernik OY-mik allaqqassaaq. Inuiaassutsimut meqqip aamma nalunaarsuinermit meqqip akornanni kittoraateeraq inissinneqassaaq.
- 4.3. Nalunaarsuinermit meqqi Trafikstyrelsenimit tunniunneqassaaq.

4.3.1. Nalunaarsuinermit meqqip silaannakkut angallat ilagissavaa, danskit Inuiaassusermit nalunaarsuiffianniit piiarneqarnissaata tungaanut. Silaannakkut angallat Inuiaassusermit nalunaarsuiffimmi nalunaarsorneqaqqissappat, silaannakkut angallatip siornatigut nalunaarsuinermit meqqerisimasaa tunniunneqassaaq, taamaattoq tak. imm. 4.3.2.

4.3.2. Silaannakkut angallammiit nalunaarsuinermit meqqi, Inuiaassusermit aamma Pisinnaatitaaffimmut nalunaarsuiffinni minnerpaamik ukioq ataaseq piiarneqarsimalersoq, silaannakkut angallammi allami, silaannakkut angallammut piiarneqarsimasumut piginnittuusutut nalunaarsorneqarsimasup kingulliup pigisaani atoqqinneqarsinnaavoq.

4.3.3. Imm. 4.3.2. malillugu nalunaarsuinermit meqqimik tunniussinermi silaannakkut angallat silaannakkut angallatitut danskit Inuiaassusermit nalunaarsuiffianni siullerpaamik nalunaarsorneqartussatut isigineqassaaq.

5. Inuiaassutsimut aamma nalunaarsuinermit meqqit inissinneqarneri

- 5.1. Inuiaassutsimut aamma nalunaarsuinermit meqqit silaannakkut angallammut qalipanneqassapput imaluunniit allatut ikkullugit, attartussutsimik assingusumik isumannaarisumik.
- 5.2. Inuiaassutsimut aamma nalunaarsuinermit meqqit eqqiluutsuutinneqassapput aamma qaqugukkulluunniit takuneqarsinnaassapput.

5.3. Silaannakkut angallatit silaannarmiit oqinnerit

Inuiaassutsimut aamma nalunaarsuinermit meqqit illuttut saneraaniit aamma nunamiit takuneqarsinnaassapput.

5.3.1. Luftskibet

- 5.3.1.1. Inuiaassutsimut aamma nalunaarsuinermit meqqit timaanut imaluunniit paperaanut inissinneqassapput.

- 5.3.1.2. Inuiaassutsimut aamma nalunaarsuinermit meqqit timitaaanut inissinneqarpata, illuttut timiaani takissusaasa sammiveqataanut inissinneqassapput aamma qaarpiaani symmetrilinje malillugu.
- 5.3.1.3. Inuiaassutsimut aamma nalunaarsuinermit meqqit paperuaanut inissinneqarpata, qaavanut nalerimasunut aamma makittarissunut inissinneqassapput.
- 5.3.1.4. Inuiaassutsimut aamma nalunaarsuinermit meqqit paperuaata qaavani nalerimasumi qaap qullerpaajusup affaata talerpiata tungaani aamma ataani affaata saamiata tungaani meqqit qulaa tungai luftskibip qingaata tungaanut inissinneqassapput.
- 5.3.1.5. Inuiaassutsimut aamma nalunaarsuinermit meqqit paperuaata qaavani makittarissumi inissinneqassapput paperuaata allerpaavani illuttut naqinnerit nalerisimatillugit inissinneqarlutik.

5.3.2. Ballonit

- 5.3.2.1. Inuiaassutsimut aamma nalunaarsuinermit meqqit diametralimik akileriisillugit sumiiffinni marlunni inissinneqassapput. Ballonip nerutunerpaaffiata nalerisimasup eqqaanut inissinneqassapput.
- 5.3.2.2. Inuiaassutsimut aamma nalunaarsuinermit meqqit makittarissumik inissinneqarpata, ballonip nerutunerpaaffiata nalerisimasup ataanut inissinneqassapput inuiaassutsimut meqqi qulaanerliutillugu.

5.4. Silaannakkut angallatit silaannarmiit oqimaannerit

- 5.4.1.** Inuiaassutsimut aamma nalunaarsuinermit meqqit sulunut aamma fuselage/halebom-imut imaluunniit sulunnut aamma halefladenut/motorit matuinut makittarissunut pisuni, fuselagep tunuatungaani motorit inissinneqarsimatillugit.
 - 5.4.1.1. Gyroplanini aamma qulimiguulinni inuiaassutsimut aamma nalunaarsuinermit meqqit aamma fuselagep ataatungaani inissinneqassapput.
- 5.4.2.** Inuiaassutsimut aamma nalunaarsuinermit meqqit suluisa ataatungaanni ataasiartumik inissinneqassapput. Meqqit suluisa saamiatungaata affaata ataani inissinneqassapput, imaassimangippat taakkua ataatungaa tamakkeaat. Periarfissaappat, meqqit suluisa saavata aamma tunuata killinginut ungaseqatigiissillugit inissinneqassapput, aamma meqqit qulaatungai suluisa saavata killingata tungaanut sammitinneqassapput.
- 5.4.3.** Inuiaassutsimut aamma nalunaarsuinermit meqqit suluisa aamma papeqqup qaavata akornanni fuselaget saneraanni, halebommemi illuttut nalerisimatillugit imaluunniit motoorit matuinut inissinneqassapput.
- 5.4.4.** Halefladeni makittarissuni inuiaassutsimut aamma nalunaarsuinermit meqqit nalerisimatillugit aamma sapinngisamik qullasinnerpaamik inissinneqassapput.
 - 5.4.4.1. Inuiaassutsimut aamma nalunaarsuinermit meqqit haleflademi makittarissumi ataatsimi inissinneqarpata, meqqit halefladep saneraani illuttut inissinneqassapput.

5.4.4.2. Inuiaassutsimut aamma nalunaarsuineranut meqqit halefladeni makittarissuni arlalinni inissinneqarpata, meqqit halefladet avasinnerpaartaasa qaavinut inissinneqassapput.

5.4.5. Gyroplanini aamma qulimiguulinni fuselagep ataani inuiaassutsimut aamma nalunaarsuineranut meqqit symmetrilinjemi inissinneqassapput meqqit qullerpaartaat fuselagep nuuata tungaanoortilugit.

6. Inuiaassutsimut aamma nalunaarsuineranut meqqit angissusaat

6.1. Meqqini eqimattani ataasiakkaani naqinnerit assigiimmik portussuseqassapput.

6.2. Silaannakkut angallatip ilusilersugaanerata imaluunniit immikkuualuttuisa imm. 6.4, imm. 6.5.1 aamma imm. 6.5.2 allassimasutut inuiaassutsimut aamma nalunaarsuineranut meqqit angissusissaannut minnerpaaffissatut piumasaqaatit naammassineqarnissaat periarfissaatinngippassuk, meqqit sapinngisamik annerpaaffimminiitinneqassapput.

6.3. Silaannakkut angallatini, nunami timminissamut akuersissut atorlugu ingerlanneqartuni imaluunniit ingerlanneqartussani, pisuni tamani ataasiakkaani inuiaassutsimut aamma nalunaarsuineranut meqqit angissusaat aamma inissinneqarnerat Trafikstyrelsenip akuersissutigissavaa, aamma tak. uani BL-imi immikkoortoq 7.

6.4. Silaannakkut angallatit silaannarmiit oqinnerit

Inuiaassutsimut aamma nalunaarsuineranut meqqit minnerpaamik 50 cm-iussapput.

6.5. Silaannakkut angallatit silaannarmiit oqimaannerit

6.5.1. Sulunni inuiaassutsimut aamma nalunaarsuineranut meqqit portussusaat minnerpaamik 50 cm-iussaaq.

6.5.2. Fuselagemi, halebommemi aamma halefladeni/motoorit matuini makittarissuni meqqit portussusaat minnerpaamik 30 cm-iussaaq.

6.6. Oqaluttuarisaanermi silaannakkut angallatit

6.6.1. Oqaluttuarisaanermi ilanngussamik I-silaannakkut angallatit aamma taamaattunik assilisanik, imatut qalipanneqarsimasunik, timmisartup aalajangersimasup siullerpaamik qalipanneranik ilaarsinissaq naatsorsuutigalugu, qinnuteqartoqareerneratigut akuersissutigineqarsinnaavoq, ataatungaani qalipaaneq ilanngunneqassanngitsoq.

6.6.2. Oqaluttuarisaanermi ilanngussamik I-silaannakkut angallatit aamma taamaattunik assilisanik, imatut qalipanneqarsimasunik, timmisartup aalajangersimasup siullerpaamik qalipanneranik ilaarsinissaq naatsorsuutigalugu, qinnuteqartoqareerneratigut akuersissutigineqarsinnaavoq, fuselagemi, halebommemi aammalu halefladeni/motorit matuini makittarissuni meqqiliineq minnerpaamik 15 cm-inik portussuseqassasoq.

6.6.3. Imm. 6.6.1. aamma 6.6.2. malillugit akuersissummik qinnuteqaat tulluuttunik imaqassaaq:

- a. Inuiaassutsimut aamma nalunaarsuineranut mikinerusunik meqqiliinissamik kissaateqarneranut tunngavilersuutit.

- b. Silaannakkut angallatip qanoq ittuunera pillugu paasissutissat, tassunga ilagitillugu nalunaarsuinissamut tunngavik.
- c. Oqaluttuarisaanerup pingaaruteqassusaanut aamma siullerpaamik qalipannertalersuisimanermut uppernarsaatit.

6.6.4. Imm. 6.6.1. aamma 6.6.2. malillugit akuersissutit taamaallaat ukununga tunniunneqarsinnaapput:

- a. silaannakkut angallatit, MTOM-iata 2.730 kg-t qaangingikkaat,
- b. silaannakkut angallat inaarutaasumik danskit Nationalitetsregister-ianni nalunaarsorneqarpoq, imaluunniit eqqussinissaq pillugu qinnuteqaat kiisalu allagaatit tassunga tunngasut tiguneqarsimapput aammalu uppernarsarneqarlutik, aamma
- c. silaannakkut angallat nunami timminissamut akuersissut, taamaallaat sumiiffimmi danskit oqartussaaffigisaanni timminissamut pisinnaatitsisoq, atorlugu ingerlanneqarpoq imaluunniit ingerlanneqassaaq.

7. Inuiaassutsimut aamma nalunaarsuinermit meqqinut nalunaaqutit

- 7.1. Naqinnerit latinerit naqinnerissavaat angisuut, aamma pinnerisaateqassanngillat, tak. uunga BL-mut Ilanngussaq 1. Sivingassutsip 30°-t qaangissanngilaa.
- 7.2. Naqinnerit tamarmik silissusaat naqinneq I minillugu, aamma kittoraateeqqat takissusaat naqinnerup portussusaata pingajorararterutaata aapparissavaa, tak. unga BL-mut Ilanngussaq 1.
- 7.3. Nalunaaqutit aamma kittoraateeqqat titarnerit erseqqissut atorlugit ilusilersorneqassapput, aammalu qalipaateqassallutik, tunuliaquttamut sanilliullugu immikkoortikkuminartumik. Titarnerit nalunaaqutit portussusaasa arfinilerarterutaasa siulliannik silissuseqassapput, tak. unga BL-mut Ilanngussaq 1.
- 7.4. Nalunaaqutit nalunaaqutamik siulliusumit imaluunniit tulliusumik avissaangatinneqassaaq, akunneqarluni nalunaaqutit silissusaasa sisamararterutaata siulliannit naannerunngitsumik silissuseqartumik, tak. uunga BL-mut Ilanngussaq 1. Tamatumani kittoraateeraq nalunaaqutit isigineqarpoq.

8. Suussutsimut pladi

- 8.1. Silaannakkut angallat sunaluunniit suussutsimut pladeqassaaq, silaannakkut angallatip inuiaassutsimut aamma nalunaarsuinermit meqqinut imaluunniit suussutsimut normuanik kigartorlugit allaffigineqarsimasumik. Suussutsimut pladi sisammik manngertorniutsumik sanaajussaaq aamma isertarfiup pingaarnerusup eqqaani nuisasumi aalajangerlugu ikkunneqarsimassalluni.

8.1.1. Ballonini suussutsimut pladi nyttestanordningen-ip silataani nuisasumi ikkunneqassaaq.

9. Akisussaaneq

- 9.1. Piginnittup akisussaaffigaa inuiaassutsimut aamma nalunaarsuinermit meqqit uani BL-mi piumasaqaatit qaqugukkulluunniit naammassissagaat.

- 9.2. Piginnittup silaannakkut angallammut akisussaaffik atuisumut tunniussimappagu, taassuma akisussaaffigaa inuiaassutsimut aamma nalunaarsuinnermut meqqit uani BL-mi piunasaqaatit qaqugukkulluunniit naammassissagaat.
- 9.3. Silaannakkut angallammut chef-ip akisussaaffigaa, meqqit eqqiluitsuunissaat aamma erseqqissuunissaat sunaluunniit timminissaq sioqqullugu.

10. Immikkut akuersissuteqarneq

Trafikstyrelseni pisuni immikkut ittuni uani BL-mi aalajangersakkanik saneqqussisinnaavoq, naatsorsuutigineqarpat mianerinninnerit aalajangersakkanut tunngaviusunut naleqquttuusut, tassunga ilagitillugit susassaqarfimmi nunat tamalaanut malittarisassat.

11. Maalaaruteqarsinnaaneq

BL una malillugu aalajangiinnerit Trafikstyrelsenimit aalangerneqartut transportministerimut imaluunniit allamut allaffissornikkut oqartussaqaarfimmut tunniunneqarsinnaanngillat, tak. Trafikstyrelsenip suliasai aamma piginnaatitaaneri, maalaaruteqarsinnaaneq aamma Trafikstyrelsenip maleruaqqusaata ilaanik saqqummiussineq pillugit nalunaarut.

12. Pillaatissatut aalajangersakkat

- 12.1. Imm. 4.1.-miit 8.1.1.-mut aalajangersakkanik unioqqutitsinerit akiligassinneqarnikkut pillarneqaataassapput.
- 12.2. Ingerlatseqatigiiffiit il. il. (inuit inatsitigut pisinnaatitaasut pisussaataasullu) pillaasarnermik inatsimmi kapitali 5-imi malittarisassat malillugit akisussaattillugit pillaatisineqarsinnaapput.

13. Atuutilersitsineq aamma ikaarsaariarnermut aalajangersakkat


- 13.1. BL una ulloq 1. juli 2025 atuutilersinneqassaaq.
- 13.2. Silaannakkut angallatinut inuiaassutsimut aamma nalunaarsuinnermut meqqit il. il. pillugit BL 1-23, saqqummersitaq 1., 1. september 1987-imeersoq atorunnaarsinneqarpoq.
- 13.3. Silaannakkut angallatit oqitsuaqqat, uuma BL-ip atuutilersinneqarnerani, nalunaarsorneqareernikuusut, ulloq 1. juli 2029 nallertinnagu suussutsimut pladimik sisammik manngertorniuitsumik sanaamik ikkussiffigineqassapput.

Trafikstyrelseni, ulloq XX

Nanna Møller

/Michael Dela

Bilag 1 til BL 1-23



M = mellemrum = fra $\frac{H}{6}$ til $\frac{H}{4}$

Alternativ for bogstaver/tal som normalt indeholder krumme linier.

Øvrige bogstaver/tal der kan komme på tale.

D E F G H I J K

L M N P R S T

$\frac{3}{4}H$

U W V X Z

$\frac{3}{4}H$

2 3 4 5 6 7 8 9